

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U BANOVIĆIMA
Broj: 127-0-Su-25-000335-10
Banovići, 19.06.2025.godine

Na osnovu člana 64. stav 1. tačka b. a u vezi sa članom. 89. člana, 70. stav 1. 3. i 6. Zakona o javnim nabavkama („Službeni glasnik BiH“ broj 39/14, 59/22 i 50/24), člana 16. Pravilnika o javnim nabavkama roba, usluga i radova u Općinskom sudu u Banovićima, broj 127-0-Su-23-000133 od 15.02.2023.godine i Preporuke Komisije za javnu nabavku broj: 127-0-Su-25-000335-9 od 19.06.2025. godine u postupku javne nabavke roba „Nabavka računara i računarske opreme“, zamjenik predsjednice Općinskog suda u Banovićima donosi:

ODLUKU

o izboru najpovoljnijeg ponuđača u postupku javne nabavke roba
– „Nabavka računara i računarske opreme“

Član 1.

Prihvata se Preporuka Komisije za javne nabavke (u daljem tekstu Komisija) broj: 127-0-Su-25-000335-9 od 19.06.2025.godine, te se Ugovor za javnu nabavku roba „Nabavka računara i računarske opreme“, oznaka i naziv iz JRJN: 30230000-0 (Kompjuterska oprema), dodjeljuje ponuđaču „NEUTRINO“ d.o.o. Tuzla, sa sjedištem ulici Klosterska 30, 75000 Tuzla, prema Ponudi broj I18-001-385/2025 za ukupnu ponuđenu cijenu nakon održane e-aukcije u iznosu od 33.050,00 KM bez PDV-a.

Član 2.

Ugovor o nabavci dostavit će se na potpis izabranom ponuđaču u roku od 10 dana, računajući od dana kada je obaviješten o izboru najpovoljnije ponude, shodno članu 89. stav 3. Zakona o javnim nabavkama Bosne i Hercegovine („Službeni glasnik BiH“, broj: 39/14, 59/22 i 50/24).

Član 3.

Ova Odluka objavit će se na web stranici Općinskog suda u Banovićima <http://opsud-banovici.pravosudje.ba/>, istovremeno s upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama Bosne i Hercegovine („Službeni glasnik BiH“, broj: 39/14, 59/22 i 50/24).

Član 4.

Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke shodno članu 71. stav 2. Zakona o javnim nabavkama Bosne i Hercegovine („Službeni glasnik BiH“, broj: 39/14, 59/22 i 50/24).

O b r a z l o ž e n j e

Odlukom o pokretanju postupka javne nabavke broj: 127-0-Su-25-000335 od 30.05.2025.godine donesenom od strane ovog organa pokrenut je postupak javne nabavke roba „Nabavka računara i računarske opreme“. Predmetna javna nabavka predviđena je u izmjeni i dopuni Plana nabavki Općinskog suda u Banovićima za 2025. godinu, broj: 127-0-Su-25-000043-2 od 30.05.2025. godine pod rednim brojem 9., dio Robe.

Javna nabavka roba sprovedena je putem: Konkurentski zahtjev za dostavu ponuda.

Procijenjena vrijednost javne nabavke bez PDV-a je 33.333,33 KM. Obavještenje o nabavci broj: 462-7-1-28-3-4/25 od 02.06.2025.godine, objavljeno je na Portalu javnih nabavki.

Sažetak obavještenja o nabavci broj: 462-7-1-28-3-4/25 od 02.06.2025.godine, objavljen je u „Službenom Glasniku BiH, broj: 34/25 od 09.06.2025. godine“. Tenderska dokumentacija objavljena je na Portalu javnih nabavki.

Komisija imenovana rješenjem broj: 127-0-Su-25-000335-1 od 30.05.2025. godine, ovom organu dostavila je dana 19.06.2025.godine Preporuku o izboru najpovoljnijeg ponuđača broj: 127-0-Su-25-000335-9 od 19.06.2025.godine u postupku javne nabavke roba „Nabavka računara i računarske opreme“.

Komisija je blagovremeno i pravilno izvršila javno otvaranje pristiglih ponuda dana 16.06.2025.godine, te je sačinila Zapisnik o otvaranju ponuda koji je proslijeđen svim ponuđačima koji su učestvovali u postupku. Nakon otvaranja ponuda Komisija je pristupila ocjeni pristiglih ponuda, te je o tome sačinila odgovarajući zapisnik u kojem je utvrđeno slijedeće:

- da je ukupan broj pristiglih ponuda 2 (dvije) i to: „SYSTEM ONE“ d.o.o. Sarajevo i „NEUTRINO“ d.o.o. Tuzla,

- da su sve ponude blagovremeno pristigle, da nije bilo neblagovremeno zaprimljenih ponuda.

Za ovaj postupak je predviđena e-aukcija, te je u skladu sa Pravilnikom o uslovima i načinu korištenja e-aukcije ista zakazana za dan 19.06.2025.godine sa početkom u 09,30 sati. Kriterijum za ocjenjivanje ponude je najniža cijena.

Komisija za javnu nabavku nakon provedene e-aukcije, je zamjeniku predsjednice suda dostavila Preporuku o izboru najpovoljnijeg ponuđača za nabavku roba „Nabavka računara i računarske opreme“ broj: 127-0-Su-25-000335-9 od 19.06.2025. godine, kojom je konstatovala da je najpovoljnija ponuda ponuđača „NEUTRINO“ d.o.o. Tuzla, sa sjedištem u ulici Klosterska 30, 75000 Tuzla.

U postupku ocjene provedenog postupka, zamjenik predsjednice ugovornog organa nije našao nepravilnosti, niti propuste u radu koji bi eventualno bili osnov za neprihvatanje preporuke Komisije. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je izabrani ponuđač „NEUTRINO“ d.o.o. Tuzla, izabran primjenjujući kriterij najniže cijene koja je ponuđena u iznosu od 33.050,00 KM bez PDV-a nakon provedene e-aukcije.

Iz navedenih razloga, primjenom člana 64. stav 1. tačka b) Zakona o javnim nabavkama, najniža cijena, odlučeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba u pisanoj formi. Žalba se izjavljuje Uredu za razmatranje žalbi putem Ugovornog organa u roku od 5 (pet) dana od dana prijema Odluke. Žalba se dostavlja u dovoljnom broju primjerka u pisanoj formi direktno ili preporučenom poštanskom pošiljkom na adresu Općinskog suda u Banovićima, ulica Alije Izetbegovića bb, 75290 Banovići.

DOSTAVITI:

1x Ponuđačima koji su učestvovali u postupku JN

1x U spis

Zamjenik predsjednice suda

Damir Dautović

